

## Carta na Cuerpo Gobernante

Ñaniyó xí'in ku'vayó:

Xaá kúyatin uv̄i mil iñu ciento kūiya, ta profeta Ezequiel xi-nira iin visión, xinira iin carro ká'nuní tú kúúmií Ndióxi. Soo ña ndakandaní-inira xí'in kúú ña kamaní xíkanú. Iin ndaa táki'va kuá'an taxa saá xínunú, ta tá kavanú ni lo'ó kóo xíkundichinú (Ezeq. 1:4, 9, 12, 14, 16-27).

¿Ndáaña sándaka'án ña visión yóo miyó? Ndi'i na ndóo chí ndiví ndeéní káchíñuna. Ta, ¿ndáaña kéétu na ñuura na ndóo nuú ñuú yóo? Ña kūu kūiya niya'a ká'anña xa'a ña kéé Jehová xí'in na ñuura ña ndeéní kama kuá'an chiñu ña kééna.

Ñuu ña Estados Unidos kuá'aní na ñú'u Betel ña Brooklyn nása-mana ta kuá'anna kooná chí Warwick (Nueva York) nuú ndakoo Betel ña xaá, ta inkana kuá'anna kooná inka Betel. Ta savatuna taxina inka chiñu ndáana ta vaása ñú'ukana Betel. Ta sava país, na ñú'u Betel káchíñunína nuú kúva'a ve'e á nuú sánda'anaña, ta savatuna kuá'anna inka ñuu. Ni kuá'aní ndó'ó vaása xíniñú'u nasamandó inka ñuu, soo ndeéní káchíñundó ñuu nuú ndóondó.

Ndi'i na Cuerpo Gobernante ndeéní kúsií-inindi ña xítondi

káchíñunindó na hermano ña va'a ku'un chiñu Jehová. Xaá xíni-ndi kuá'anindó kuá'andó káchíñundó nuú kúmaníní na publicador. Savatundó nátú'unndó xa'a Ndióxi xí'in na ká'an inka tu'un. Ndi'indó káchíñunindó, ndaa na xaá kuchée xí'in na ndeé ndó'ó chíkaanindó ndeé ña kééndó chiñu Jehová, tasaá ná'andó ña ká'an ta Ndiya'a suví ña ndaa kúúña (1 Cor. 9:24).

Ká'anndi xí'inndó Jehová kúsiíní-inira xa'a ña chíkaanindó ndée (Heb. 6:10). Ndi'i ña kééndó, kééndóña táki'va kéé ta Abrahán xí'in ña Sara. Tá xaá ndíkaara 70 kūiyara sandákoora ñuu Ur ta kuá'anra xí'in na ve'era chí Canaán. Ta kán niixiyora iin ciento kūiya ndaa kivi niixi'ira. Tayó'ó chíkaaníra ndée ta saátu ña sí'ira ña káchíñunína nuú Jehová (Gen. 11:31; Hech. 7:2, 3).

Iin ña va'aní kúúña tá ndákani-xiníyó xa'a ña ké'éyó, á ké'éyó táki'va kéé ta Abrahán xí'in ña sí'ira. Chi ndi'i na kéé chiñu Ndióxi sáxinuna ña níka'an ta Jesús. Tayó'ó níka'anra: “Kúá'andó nuú ndi'i na yiví ña inísaá ñuyiví ta saná'andóna, ña ná kundikunna yi'i, ta ná ndakuchina xí'in kivi yiváyó xí'in kivi se'era tasaá xí'in kivi espíritu santo” (Mat. 28:19).

Tá níka'an ta Jesús “kúá'andó”, ñayó'ó kúní kachiña ña xíniñú'u ku'unyó á xíniñú'u káchíñuyó. Xa'a ñayó'ó kúsiíní-inindi chí ndi'i

ndó'ó nà ndíkun satá tã Jesús kuá'ání chiñu ke'éndó nuú Ndióxi tá kuiya niya'a. Ñayó'o ná'aña mií Jehová kúú tã chíkaa bendición ña va'a kuá'an tu'unra ña iníisaá ñuyívi ta íyora chindeé tá'anra xí'in ndí'i nã káchíñu nuúra (Mar. 13:10).

Kuá'ání nã yiví xaa sákua'ana xa'a Ndióxi, tá kuiya niya'a xaa 8,340,847 kúú nã publicador, ta 10,115,264 kúú nã yiví nã xaa ká'vina xí'in. Xí'in ñayó'o ná'aña ña kamaní kuá'an carro Ndióxi ta saátu ndó'ó chíkaanindó ndée ña káchíñundó. Kõo sandákoondó ña kachíñukandó nuú Ndióxi, chi ndáa loní tiempo kúú ña kúmaní ña kivi kaku nã yiví.

Ñã texto kuiya 2017 va'aní sándaka'ánña miíyó. Ñã texto yó'o káchíña: **“Kandíxa Jehová ta ke'é ña va'a” (Sal. 37:3)**. Tá kééyó ña ká'an texto yó'o ta káchíñuyó nuú Jehová, ná'ayó ña kándíxayóra. Ná kõo nandósóyó chi vaása íyo miíyó. Tã Jesús nika'anra: “Kotondó, íyoi xí'inndó ndí'i tiempo ndaa ná ndí'i-xa'a ñuyívi” (Mat. 28:20). ¿Á vaása sáxinura ña nika'anra túvindó?

Ná ndaka'ányó chi Jehová chíkaara bendición ndí'i chiñu ña kééyó nuúra. Ni kuá'a kúú chiñu ña kééyó á ni lo'o kúúña, soo ña ndáyá'vi va'a nuúra kúúña vaása sandákooyó kééyóña ta xí'in ña síi-ini kééyóña. Tá kééyó ña ká'anra sákusiíníyó-inira (2 Cor. 9:6, 7). Xa'a ñayó'o ná ka'anníyó xí'in Jehová, ná ka'viníyó tu'unra, ta ná kusíi-iniyó natú'unyó xa'ara xí'in nã yiví. Tá saá ná kééyó va'aní kutá'anyó xí'inra.

Tã Ndiva'a xaa kúndaa-inira ña xaa kuyatinní ndí'i-xa'ara, xa'a ñayó'o kúniníra ná sandákooyó Jehová (Rev. 12:12). Xíiniñú'ura ndí'i ña íyo ñuyívi yó'o ña sándá'vira miíyó ña keeyó tixin ñuu Ndióxi. Soo tá yatinní ná kooyó xí'in Jehová, vaása kuchiñura xí'inyó (Sal. 16:8). Kõo nandósóndó xa'a ña kúniníndi xínindi ndó'ó ta táxindi tixa'vi nda'andó xa'a ña chindeé tá'anndó xí'inndi ña nátú'unndó xa'a Reino Ndióxi ña tiempo vitin.

Nã ñanindó,

*Nã Cuerpo Gobernante nã testigo Jehová*